



Krizni štab za praćenje novog corona virusa

Krizni štab ministarstva zdravstva Zeničko-dobojskog kantona, a vezano za Naredbu Kriznog štaba Federalnog ministarstva zdravstva, broj: 01-33-1472/20 od 12.03.2020. godine, shodno odredbi člana 6. stav (4) Pravilnika o organizaciji i načinu rada Kriznog štaba Federalnog ministarstva zdravstva („Službene novine Federacije BiH”, broj: 10/12), Krizni štab ministarstva zdravstva Zeničko-dobojskog kantona donio je sljedeću

### N A R E D B U

1. Nalaže se obustavljanje rada dječijih vrtića na području Zeničko-dobojskog kantona do daljnjeg.
2. Nalaže se obustavljanje održavanja svih kulturnih i sportskih događaja, kao i treninga na području Zeničko-dobojskog kantona do daljnjeg.
3. Preporučuje se stanovništvu sa područja Zeničko-dobojskog kantona, kao i stranim državljanima u Zeničko-dobojskom kantonu da se u cilju zaštite ličnog zdravlja i zaštite javnog zdravlja, striktno pridržavaju svih preporuka Kriznog štaba Zeničko-dobojskog kantona kao i Zavoda za javno zdravstvo Federaciji BiH.
4. Svim učenicima u osnovnim i srednjim školama, kao i studentima na visokoškolskim obrazovnim ustanovama na području Zeničko-dobojskog kantona, dok traje obustava nastave u osnovnim, srednjim i visokoškolskim obrazovnim ustanovama, preporučuje se da izbjegavaju nepotrebno kretanje i zadržavanje na mjestima javnog okupljanja. Za provođenje ove preporuke odgovorni su roditelji odnosno zakonski zastupnici maloljetnih učenika, a za punoljetne osobe: učenike i studente, navedeno je lična odgovornost.
5. Preporučuje se lokalnom stanovništvu, kao i stranim državljanima na području Zeničko-dobojskog kantona da izbjegavaju nepotrebno kretanje i zadržavanje na mjestima javnog okupljanja.
6. Nalaže se menadžmentu zdravstvenih ustanova bez obzira na oblik vlasništva kao i nositeljima privatnih praksi u Zeničko-dobojskom kantonu da zdravstvenim radnicima i zdravstvenim saradnicima ne odobravaju putovanja u inostranstvo po bilo kom osnovu.
7. Nalaže se svim zdravstvenim radnicima i zdravstvenim saradnicima da u uvjetima promijenjenje epidemioške situacije odnosno u uvjetima kada je Svjetska zdravstvena organizacija proglasila pandemiju novog koronavirus (COVID-19) ne napuštaju Federaciju BiH ni po kom osnovu.
8. Nalaže se osobama koje su posljednjih 14 dana boravile u zemljama koje su ugrožene zarazom novim coronavirusom (Kina, Italija, Južna Koreja, Iran, Francuska, Njemačka i Španija), a nisu prošle sanitarnu kontrolu na graničnim prijelazima i nemaju izdato rješenje o

zdravstvenom nadzoru/samoizolaciji, da se obavezno telefonski jave nadležnim epidemiološkim službama domova zdravlja ili Institutu za zdravlje i sigurnost hrane Zenica, u cilju uspostavljanja zdravstvenog nadzora.

Neprovođenje ove mjere zaštite stanovništva od zaraznih bolesti podliježe krivičnoj odgovornosti.

9. Preporučujemo stanovništvu sa područja Zeničko-dobojskog kantona koji žive ili rade u zemljama pogođenim novim koronavirusom (COVID-19) da ne dolaze u Federaciju Bosne i Hercegovine, zbog povećanog rizika od unošenja novog koronavirusa (COVID-19), a što bi dodatno moglo rezultirati pogoršanju epidemiloške situacije u Federaciji.

10. Ova naredba stupa na snagu danom donošenja.

Broj: 11-33-1335-24/20  
Zenica, 12.03.2020. godine

MINISTAR  
dr Adnan Jupić

Dostavljeno:

1x svim zdravstvenim ustanovama

1x Ministarstvo za obrazovanje, nauku, kulturu i sport

1x Web stranica Ministarstva zdravstva

1x a/a